

Orexar arruntaren koplak

I

Kantatzera noazu
bertso bat edo bi
gizon batek jarriak
bere herriari
entzunaz honi eta
begiratzuz hari.
Patxadan bizi denak
egiten du hori.



MADDI SORO

VI

Pinuzaleek pistak
puskatzen dituzte
basurdeek baratzan
beste horrenbeste,
dena ona dugunik
etzazute uste
ardien zintzarriek
lasaitzen gaituzte.

II

Haurrak etxez-etxe ta
amonaz-amona
zeini harrapatuko
etxeke goxona.
Erroskila txarra da
ta “Kinderra” ona,
gaileta merkeekin
ez etorri hona.

IV

Beheko herrian dute
alkate petrala,
gurea langilea
fina ta formala,
herri guztiareztat
mutiko leiala.
Garzonek ba al daki
zer den ilegala?

VII

Zaharrak nahi ez duena
gaztearentzako,
udaberriko lana
udazkenerako,
urtea pasatzen da
konturatzera,
ez daukagu presarik
gutxi garelako.

III

Amonak joaten dira
eskulanetara,
eskolatikan bueltan
umeak plazara,
Joxe etorriko da
Joanito han bada
eta azkenerako
denak tabernara.

V

“Plan estrategikoa”
aktualitatean,
energia berriak
estudio-pean,
obra egin behar da
Gaztelu bidean
ta sukalde berria
soziedadean.

VIII

Urtea pasatzen da
konturatzera,
udaberriko lana
udazkenerako,
ez daukagu presarik
gutxi garelako
gutxi garelako
gutxi garelako...